

Fenomeno nobo pa Nassastraat: Catherine's


ORANJESTAD (AAN)- Mitar di April pa Mei, den Nassastraat lo tin un fenomeno nobo esta Catherine's. Esaki lo bay ta estilo Bistro Parisien cu un toque Caribense.

Catherine's ta keda net pariba di Aruba Bank, y lo ta al estilo restaurant-coffeeshop.

Un inversion di alrededor di 300.000 Florin, cual sigur lo ta un otro fenomeno pa embeysce e caya principal.

E ta bay tin un expresso-bar cu ta bay sirbi tur sorto di cos dushi tanto local como internacional. Den e patio por sinta entre 80 pa 100 hende cu lo worde sirbi den platonan grandi estilo Frances.

Construccion ta bayendo den full swing y pronto lo por mira e bunita fenomeno aki den Nassastraat.





MARATHON 89 SPECIAL VALUES

Quasar

**BIN TRAHA
BO MES PAKETE**
incluyendo antenna y mesa
**Y BIN TRAHA BO MES
DEAL TAMBE!**

**SOLAMENTE
f.790,-**


Model - 5931
19" TELEVISION
Color Table Model.



Model - 5280
VIDEO CASSETTE RECORDER
2 Head Video
Wireless Remote Control.

**SOLAMENTE
f.790,-**

**CU UN BON
FINANCIAMENTO
NA BO ALCANCE**



Model PAS-108
STEREO SET
Remote Control
3-Way Speaker system.

**SOLAMENTE
f.1790,-**

19" TELEVISION
Color Table Model
Wireless Remote Control



**FOR DI
SOLAMENTE
f.990,-**

Tambe obtenible modelonan di PIONEER Stereo Set.

Prome fesitival tipico dia 18 di Maart

ORANJESTAD (AAN)- Tur manager di Gruponan Musical Tipico di Aruba ta keda cordialmente invita pa asisti na un reunion informativo Diamars dia 21 Februari 1989 pa 7'or di anochi den hotel IDEFRE na hospital bieu.

E punto di agenda ta informacion encera festival tipico cual ta hiba e nomber "Un canto pa Aruba" en conexon cu dia di Himno y Bandera.

E festival ta programa pa tuma lugar dia 17 di Maart 1989 pa 8'or di anochi pero e lugar no ta conoci ainda.

Den festival tipico "Un canto pa Aruba" cada grupo musical ta keda liber pa acompaña cuanto cantante cu nan ta desea, pero si cu cada cantica mester tin e contenido di un canto dedica na Aruba.

E cancion mester ta un wals, tumba of cadans cu un duracion maximo di 3 minuut. Organizadornan ta conta cu participacion di un gruponan musical tipico y tambe e cantantenan pa asina demostra como un bon Arubiano e balor y e realce na cultura y en especial ariba Dia di Aruba, dia di Himno y bandera.

Den e festival aki tin e premacionnan pa e mihor compositor, arreglista, 5 trofeo's pa e conhuntan tipico y 5 trofeo pa e cantantenan tipico.

E ganadornan maximo tanto den conhuntun Tipico y cantante tipico lo ricibi fuera di su trofeo un suma efectivo y tambe cada grupo musical ta ricibi un recompensa pa nan presentacion den forma di un suma efectivo.

Tin medico ta bay cu vacacion sin haci peticion

ORANJESTAD (AAN)- Un di e problemanan sin duda mester di un organizacion por completo na departamento salubridad publico ta dia liber y vacacion pa Docternan, segun un Docter cu kier mira un solucion na e departamento aki.

Punto di bista di e Docter pa drecha e situacion cu cierto momento ta bira caotico na Salubridad ta masha facil.

E Docter cu ta bay di vacacion mester yena su peticion di

vacacion adelanta y mester haya aprobacion di e Director di Salubridad Publico si e por bay. Pero actualmente tin Docter ta bay vacacion asina no mas sin haci peticion.

A yega di sosode cu varios Docter a bay vacacion un tras di otro y como tal cierto distrito a keda sin Docter pa e simple motivo cu tin Docter cu no por bisa e Docter cu e no por bay cu vacacion tur esey pa falta di organizacion y maneho fuerte na o Salubridad Publico.